

1 Augustus 2013

Jaargang 6 – Uitgawe 24

In hierdie uitgawe

- Voorblad
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za



Skakels

Webblad van die Hervormde Kerk www.nhka.org

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

VOORBLAD

Doppers, Gatjieponders... Stoepsitters, Wederdopers

Byname soos hierdie is deel van die geskiedenis van Afrikaanse Kerke. Maar waarvandaan kom hulle? Met hoeveel venyn is dit gebruik? En hoe gebruiklik is dit nog vandag? NEELS JACKSON het in 1992 gaan ondersoek instel.

Die oudste van dié kerklike byname is die woord *Doppers*. Nog voor die Gereformeerde Kerk of Doppekerk in 1859 afgeskei het, is dié naam al gebruik. Daar is verskeie teorieë oor die oorsprong daarvan, maar volgens prof Flip van der Watt, voormalige hoogleraar in Kerkgeskiedenis van die NG Kerk, is die aanneemlikste teorie dat dit kom van die Nederlandse woord *dorpers*. Dit is gebruik vir mense van die platteland – dus nie stedelinge nie. Volgens prof Van der Watt het dit op eenvoudige mense gedui, maar nie 'n negatiewe betekenis gehad nie. Prof Adriaan Pont, Hervormde hoogleraar in Kerkgeskiedenis, sê egter die bedoeling was selfs om agterlikheid aan te dui. Die naam is volgens hom soms ook vir Hervormers gebruik.

Die naam *Gatjieponders* vir NG lidmate het sy ontstaan te danke aan die soort manelle wat NG predikante soms gedra het. Predikante van ander kerke het die *ronde manel* of *kaggelpyp* gedra wat voor en agter lank was, sê prof Pont. Dié kan 'n mens nog op Kerkplein in Pretoria in die standbeeld van pres Paul Kruger sien. Van die NG predikante het egter 'n Engelse manel begin dra wat net agter oor die boude lank was. Dit is spottenderwys 'n *gatjapon* genoem. So het die naam *Gatjaponners* of *Gatjieponders* ontstaan met, volgens prof Pont, die effense konnotasie dat ware gelowiges die ronde manel gedra het en dié wat ligter was in die geloof, die *gatjapon*. Prof Van der Watt meen egter dat dit nooit 'n negatiewe naam was nie. Hy gee ook nie om om 'n *Gatjieponder* genoem te word nie.

Die benaming *Stoepsitters* vir die Nederduitsch Hervormde Kerk is volgens prof Pont 'n Wes-Transvaalse naam. 'n Mens sal vergeefs op ander plekke daarna soek. Dit dagteken van die jare twintig toe die Hervormde Kerk nie genoeg predikante gehad het nie en van die Wes-Transvaalse gemeentes daarom nie Sondae eredienste gehou het nie. Die lidmate wou egter nie saam met die *Doppers* of *Gatjieponders* kerk hou nie en het tuis gebly. Vandaar die naam *Stoepsitters*.

Dr Jan Langerman, hoofsekretaris van die Apostoliese Geloofsending (AGS), sê die naam *Wederdopers* wat steeds as 'n skeldnaam ervaar word, kom uit 'n tyd toe die AGS die meeste van sy lidmate uit ander kerke getrek en die doop van die gelowige bedien het aan mense wat ook as suigeling gedoop is. Die meeste mense wat vandag deur die AGS gedoop word, kom egter uit eie geledere. In elk geval erken die AGS slegs die doop van gelowiges wat een keer bedien word. Uit hul oogpunt is daar dus geen kwessie van *wederdoping* nie.

Die enigste van die kerklike byname wat wyd in die volksmond inslag gevind het, is *Doppers*. Die HAT noem dit dan ook 'n volksnaam. Daar is nog mense wat sensitief is daarvoor om *Doppers* genoem te word, maar oor die algemeen is dit nie die geval nie, sê dr Callie Coetzee van die Gereformeerde Kerk Potchefstroom. Persoonlik gee hy nie om om so genoem te word nie. Hy gebruik die term immers self.

(Verlede week tydens 'n vergadering van die Tussenkerklike Raad is intens debat gevoer oor die toekoms van die TKR. Aansluitend daarby, maar in ligter luim, plaas ons graag, met sy toestemming, hierdie artikel wat Neels Jackson, kerksakeverslaggewer by *Beeld*, in 1992 geskryf het.)



PREDIKANTE EN GEMEENTES

Stuur asseblief berigte oor lief en leed en gemeentegebeure na produksie@nhk.co.za. Die redaksie doen alles in hul vermoë om inligting korrek weer te gee, maar maak vanselfsprekend staat op die integriteit van die besonderhede soos verskaf.

Bydraes vir moontlike plasing in die e-Hervormer moet asseblief teen Dinsdaemiddae 16:00 OP DIE LAATSTE na produksie@nhk.co.za gestuur word.



Ds Kotie McDonald

- Die **ouers van ds Edzard van Baalen** van Parkrand het Dinsdagoggend 30 Julie in 'n vragmotorongeluk tussen Vryburg en Kuruman omgekom. Oom Burger en tannie Martie was lidmate van Gemeente Brakpan-Harmonie. Ds Hannes Jansen van Rensburg sal die diens vanuit Parkrand lei op Vrydag 2 Augustus. Ons innige meegevoel gaan aan ds Edzard en hul familie.
- **Mev Betsie Brits** van die Hervormde Teologiese Kollege (HTK) **se suster, Sampie**, is Sondagmiddag 28 Julie oorlede. Sampie was 'n kankerlyer, maar met die kanker in remissie het sy geen weerstand gehad teen enige kiem of virus nie. 'n Virus het haar longe en brein aangetas en sy het baie swaar gekry die laaste twee weke. Sy word Donderdag 1 Augustus om 12 uur vanuit Gemeente Wapadrant begrawe. Ons innige simpatie gaan aan Betsie en hul familie.
- **Riek van Rensburg**, wat aan die einde van 2008 na 28 jaar as argivaris van die Kerk afgetree het, herstel nog nadat hy sewe weke lank in die hospitaal was met 'n breinaandoening. Hy verhuis vandeeweke na 'n versorgingsoord naby Hartbeespoortdam. Ons wens hom baie sterkte toe, en rustiger jare vorentoe.
- **Ds Marius en Colette Kramer** van Kampersrus se eerste seun, Elmar, is Maandagaand 29 Julie om halfnege gebore – op Colette se verjaardag! Baie geluk aan die ouerpaar, en aan die trotse oupa en ouma, ds Jan en Maryna Kramer van Elsburg.
- **Ds Kotie McDonald** het die beroep aanvaar na **Gemeente Turffontein** in Johannesburg. Sy word op Sondag 4 Augustus om 10:30 in die gemeente bevestig.
- Gemeentes word daaraan herinner dat die **deurkollekte van Sondag 4 Augustus** vir die **Teologiese Opleidingsfonds** afgesonder word.
- **ADV se Jaar vir Gestremdheid: Respekteer en akkommodeer.** Maak in 'n gemeente seker wie die persone met gestremdhede is en wat hul spesiale behoeftes is. Maak seker dat die behoeftes, byvoorbeeld vir spesiale toegang tot die geboue en kledkamers, in ag geneem word. Konsulteer met die persone met gestremdheid sodat hierdie behoeftes volgens hul spesifikasies ingerig word.

Spesiale eredienste en feesnaweke

- **Gemeente Vereeniging: Eeufeesviering 24 tot 25 Augustus**
Saterdag 24ste: Gesellige bring-en-braai op kerkterrein
Sondag 25ste: Erediens met Albertonse Mannekoor om 09:00
Program en gesamentlike middagete
Gelukwensings kan gestuur word na pbboshoff@telkomsa.net
- **Gemeente Ottosdal: Amazing Race**
75 geseënde jare
Vrydag 30 Augustus: Kampvuur-kuieraand by Ottosdal-skougronde
Lapas, braaivleis met pap en sous, poeding...
Saterdag 31 Augustus: Stap-wedloop, basaar en stalletjies
Van vroeg tot laat
Kontak ds Adriaan Benadie by 082 763 2728 of ottosdal@nhk.co.za



- **Gemeente Otjiwarongo: 75-jaar-viering**
Vrydag 6 September: Optrede deur opkomende musiekster Lisa Brönnner
Saterdag 7 September: Feesgeleentheid
Stalletjies, gesinsvermaak, potjiekoskompetisie en jaarlikse naggholf
Sondag 8 September: Hoeksteenonthulling en erediens
gelei deur ds Barrie Oberholzer
Vir verdere inligting, inskrywings of borge kontak ds Elritia le Roux
+264 876 3664 of e-pos propeleroux@gmail.com
- **Gemeente Sannieshof: Feesnaweek**
Vrydag 6 en Saterdag 7 September: Mielie Makietie 2013 met Adam Tas
(Sien Basaars en markte, bladsy 8, vir meer inligting hieroor)
Sondag 8 September: Uitreik met Geloof-in-aksie Motorfietsklub
Ds CJ van Wyk van Randburg lei die erediens
Navrae aan ds Paul Kern by 082 494 5347
of stuur 'n e-pos aan Elsa by elsaj@lantic.net
- **Gemeente Wonderboompoort: 60-jaar-viering: Sixties**
25, 26 en 27 Oktober
Op kerkterrein in Eloffsdal, Pretoria
Stuur groetewense, staaltjies, herinneringe en foto's vir gedenkblad
Baardgroeikompetisie vir die manne
Modeparade met toeka se klere vir die dames
Kontak skriba Sieg Schwarzer by 012 335 4181 vir meer inligting
Gedenkbladbydraes aan ds Carel-Johann de Bruin by cjdb@telkomsa.net
- **Gemeente Goede Hoop (Piet Plessis): 100 jaar**
Feesnaweek 29 November tot 1 Desember
Basaar en hoeksteenoprigting (met optrede deur sanger Pieter Smith)
asook Voorbereiding Saterdag
en Nagmaal en Danksegging met doop Sondag
Gedenkalbum deur prof Hennie van der Westhuizen
Navrae en bestellings aan ds Arno Nieuwhof by 073 240 6030
of arnonieuwhof@gmail.com of op sy Facebook-blad

Predikanteverjaardae

- **Die volgende predikante verjaar tot 9 Augustus, en word hartlik geluk gewens.**
 - Saterdag 3 Augustus: Ds David du Plessis (Wonderboompoort/Wonderboom-Suid)
 - Sondag 4 Augustus: Di Jan Claassen (Strand) en Stephan van Tonder (Gobabis)
 - Maandag 5 Augustus: Prop Duwies Duvenage (beroepafwagting)
 - Dinsdag 6 Augustus: Dr Stephan Hoffman (Bybelgenootskap), di Japie Jacobs (emeritus) en Renier Lee (siekte-emeritaat)
 - Woensdag 7 Augustus: Prof Lourens Steenkamp (emeritus), di Kobus Celliers (Brits), Rassie Smit (emeritus), Coenraad Strydom (Onverwacht) en Johans van Tonder (Balfour)
 - Donderdag 8 Augustus: Ds Jan Schutte (siekte-emeritaat)

Beplande vergaderings

- Saterdag 3 Augustus: Kommissie van die ADV
OSR-jaarvergadering
- Maandag 5 Augustus: Raad vir SENTIK
- Dinsdag 6 Augustus: OSR: Operasionele Komitee



Bybelvasvra 2013

- **Die Komitee vir die Landwye Bybelvasvra** stel vanjaar weer 'n vraestel beskikbaar vir die Ringsvasvra. Ringsorganiseerders moet ds Stephen de Beer kontak, sodat vraestelle per e-pos versend kan word. Die **uitdunrondes** met die oog op die landwye finaal moet afgehandel wees **voor 13 Augustus 2013**.

Bestek: Jakobus (NAV)

Hoërskool, Jong Hervormers, en Ope Afdeling

- Artikels in *Konteks* (April, Mei en Junie 2013) oor die Jakobus-brief (ook beskikbaar by www.konteks.co.za → Inligting en skakels → *Konteks* Bybelvasvra 2013)
- Heidelbergse Kategismus (Sondae 32-52 oor dankbaarheid) – in publikasie *So glo ons* en by www.nhka.org → *So glo ons* → Reformatoriese belydenisskrifte → Heidelbergse Kategismus

Laerskool

- Slegs die 5 hoofstukke van Jakobus

Landwye finaal

Datum: Kamp 4-6 Oktober 2013

Vasvra 5 Oktober om 09:30; registrasie vanaf 08:30

Plek: Kwaggasrus buite Brits op die Thabazimbi-pad; aanwysings sal aan spanne gestuur word

Koste: Kampgelde R200 per persoon vir die naweek (Vasvra-inskrywingsgelde ingesluit)

Diegene wat nie kamp nie, betaal R50 dagbesoekersfooi

Betalings: Raad van Finansies

(Verwysing: *Gemeentenaam + Vasvra*)

Stuur asseblief bewys van betaling na bybelvasvra@gmail.com

Laat weet ds Marna Naudé by bybelvasvra@gmail.com hoeveel mense en spanne vanuit jul ring verwag kan word

Sluitingsdatum 21 September 2013

Navrae aan ds Marius Bacon 083 297 6135

of ds Stephen de Beer 083 781 2955

Kursusse en toerusting

- **Gemeente Montana: Seminaar oor gesins- en familiebediening**
Dinsdag 6 Augustus 08:00 tot 12:00
Spreker: Jim Ladoux van Vibrant Faith Ministries, VSA
Hoe kan gesinsbediening weer 'n prioriteit word in die geloofsvormingsproses?
Jeugbediening kwyn weens ouerhuisbasisse wat nie meer vas staan nie
Hoe kan gemeentes weer hierdie belangrike sleutel aktiveer?
Koste: R150 per persoon (sluit ontbyt in)
Kontak Esmé by 012 567 1753 of nhkmontana@gmail.com
teen 2 Augustus om plek te bespreek
- **Hervormde Teologiese Kollege (HTK): Openbare lesing**
Woensdag 7 Augustus om 19:00
Dr Wim Dreyer: *Die resente Hervormde Kerkgeskiedenis*
By UP se Teologiegebou, Kamer 1-19
Alle lidmate en ampsdraers welkom





- **Gemeente Montana: 5-weke-toerusting oor verhoudings en kommunikasie Dinsdae om 19:00 van 13 Augustus tot 10 September GRATIS**
Aangebied deur prof Theuns Dreyer
Hoe lyk my verhouding met my eggenoot/kinders/familie/werkskollegas/vriende?
Hantering van konflik, vergifnis en versoening
Kommunikasie vanuit verskillende persoonlikhede
Kontak Esmé by 012 567 1753 of nhkmontana@gmail.com

Beskikbare behuising

- **Gemeente Philadelphia het akkommodasie beskikbaar vir 'n student.** Dit bestaan uit 'n privaatkamer met gemeenskaplike ablusie en kombuis. Dit is binne stapafstand van die Universiteit en daar is veilige parkeering. Die koste is R2 860 per maand, wat skoonmaakdienste een maal per week insluit. Kontak Elize Fourie by 012 362 7237 tussen 08:30 en 12:30 op woensdae, of dr Sanrie de Beer by 083 226 1866, of stuur 'n e-pos na philadelphia@nhk.co.za.
- **Louis Trichardt Monumenttehuis in Danville** bied enkel- en dubbelkamer-inwoning vir **bejaardes** wat nog selfversorgend kan funksioneer. Aangename huislike atmosfeer, 2 x etes ingesluit by losies, billike tariewe. Gereelde sosiale programme. Vir meer inligting, kontak mev Marie Hunter by 012 386 5310.
- **Piet Potgieter Monumenttehuis in Mokopane (Potgietersrus)**
Die volgende akkommodasie is tans by die Dienshuise beskikbaar:
2 groot luukse kamers: R4 500 elk
Kleiner kamer met stort: R3 000
Klein kamer sonder badgeriewe: R2 250
Ontbyt en middagete ingesluit
Gesik vir selfversorgende bejaardes, wat self hul kamer en wasgoed moet doen
Rustige, plattelandse dorp ideaal vir aftrede
Kontak bestuurder mev Mariana van Tonder by 015 491 6314
- **Andries-Marié Oosthuizen Monumenttehuis-woonstelle in Parys**
Daar is tans die volgende behuising vir senior burgers beskikbaar:
2 x enkelkamer met 3 etes, wasgoed en skoonmaak van kamer 1 x per week
1 x lieflike enkelkamer met eie kombuis, stoep en tuin,
met 3 etes, wasgoed en skoonmaak van kamer 1 x per week
R5 800 per maand
Kontak matrone Botha by 056 811 2185 vir meer besonderhede

2013

COURT CLASSIQUE
SUITE HOTEL - PRETORIA

www.courtclassique.co.za

012 344 4420

ALGEMENE KERKVERGADERING

Sondag 22 September - Saterdag 28 September 2013
AULA | UNIVERSITEIT VAN PRETORIA

Spesiale tariewe beskikbaar by die vier-ster Court Classique Suite Hotel, Pretoria op 'n BED & ONTBYT BASIS TEEN SLEGS
R670 per enkelkamer, per nag
Meld asseblief die kongres se naam tydens u bespreking om die afslag te ontvang

Gratis vervoer na die AULA* | Gratis internettoegang
Naby aan Gautrain Hatfield | 58 Suites met ingeboude 'kitchenette'
Orange Restaurant op perseel | Swembad op perseel
*Terme & voorwaardes geld.

/CourtClassique /CourtClassique /CourtClassique.co.za

GAUTRAIN TRAVELLERS : Hatfield & Pretoria stations 5min away | Book a transfer or use the Park Street bus stop to reach us.
reservations@courtclassique.co.za | T: 012 344 4420 | 743 Francis Baard Street, Arcadia



Konserte en feeste

- **Vrydag 2 Augustus 18:30 vir 19:00: Gemeente Bronkhorstspuit
Adam Tas**
Die Oudewerf
Volwassenes R100, skoliere R50, voorskools gratis
Sop en sjerrie word bedien
Kontak Alvina van Rensburg (083 448 9563) of die kantoor (013 932 2929)
- **Sondag 1 September om 18:30: Gemeente Pretoria-Oos
Orrelkonsert met prof Wim Viljoen**
In kerkgebou hv Dely- en Matroosbergweg
Toegang GRATIS
Die gemeente se orrel word 40 jaar oud!
Verversings in die saal na die konsert
Navrae aan Pieter van den Berg by 072 041 3954 / pieter@allensa.co.za
- **Saterdag 21 September om 09:00: Gemeente Hartebeeshoek
Nataniël**
La Louise Venue. Willem Cruywagenstraat 155
Hesteapark, Akasia
Koste: R170
Koffie, tee en verversings na vertoning
Kontak Lizette Goosen by 082 539 1456
of Mariana de Villiers by 072 128 2692
- **Saterdag 5 Oktober om 14:30: Gemeente Turffontein in Johannesburg
Damestee: Vrouedag met Sonja Herholdt**
NG Kerkzaal, Dalehamstraat, Mondeor, Johannesburg
R100 per persoon
Skakel mev Pikkie van der Westhuizen by 083 320 8262
of Nellie Stipek by 083 449 6155 vir besprekings en besonderhede
Verversings sal bedien word

Kampe en toere

- **Toer saam na Israel en Egipte: 28 November tot 7 Desember 2013**
Beleef God in die voetspore van Jesus
Toerleiers: Ds Fanie Beukes en dr Francois Carr
Vir meer inligting, kontak ds Beukes by 073 167 1183
of per e-pos by faniebeukes@yahoo.com
- **Konteks-leserstoer na Turkye: 1 tot 17 Mei 2014**
15 dae op die voetspore van Paulus, Johannes en die eerste Christene
Toerleier: Prof Ernest van Eck
Plek vir slegs 30 – bespreek betyds!
Kontak prof Van Eck by 012 420 3804 / 082 413 2332 /
ernest.vaneck@up.ac.za
of Louise Geyser (reisagent) by 012 361 0579 / 082 560 4279 /
louise.geyser@absamail.co.za

Kompetisies en fondsinsamelings

- **Gemeente Witfield: Boog- en geweerjagkompetisie**
Kaartjies: R100 donasie
1ste prys: Koedoebul, sebra, blouwildebees, 2 rooibokke, 2 blesbokke
plus 5 dae en 4 nagte verblyf
2de prys: Blouwildebees, sebra, rooibok, blesbok
plus 4 dae en 3 nagte verblyf

3de prys: Blouwildebees, rooibok, blesbok
plus 3 dae en 2 nagte verblyf

Geborg deur Nyalarus-wildplaas tussen Groblersdal en Marble Hall
Plaas se professionele jagter kan gebruik word

Kontak Adri Nel by 084 200 1027

of Chaan Bezuidenhout by 082 853 5895

Sluitingsdatum 31 Augustus, trekking 1 September 2013



- **Gemeente Witfield: Fondsinsameling**

2 pragtige 100% skaalmodel ossewaens (1/10de skaal) te koop

- Bokwa (imbuiahout) – lang tent met skaalmodel dubbelbed en wakies @ R2 000
- Bokwa (Kiaathout) – kort tent met skaalmodel dubbelbed @ R1 750

Elke wa beskik ook oor 'n domkrag en 'n replika van 'n driepootpot wat onder die wa hang. Die gereedskapkissies bevat elk 'n ysterstafie wat die domkrag werk. Elke wa is toegerus met remme wat werk met 'n slingertjie.

Kontak ds Theo Janse van Nieuwenhuizen van by 083 232 5101 / 011 826 4017 of skakel die gemeentelike kantoor op Dinsdae-, Woensdae- of Vrydaeoggende tussen 09:30 en 14:30 by 011 826 4625.

- **Gemeentes Hartbeesfontein en Gerdau: Fondsinsameling 1000 Wen-'n-boerdery en Noag-se-ark-skildery**

Geleentheid om R50 000 in te samel

Pakket van 50 kompetisieboekies met 11 kaartjies in elke boekie

Betaal R5 000 vir pakket van R55 000

50 pryse te wen, in totaal meer as R100 000 werd

Wen plaasdiere, bokke, varke, duiwe en vele meer!

Trekking in Oktober 2013

Kontak Barry of Marthie Pretorius van Hartbeesfontein

by 018 431 0331, faks 086 550 1874 of barrypret@lantic.net

Verdere navrae aan ds Petrus Harmzen by 082 777 4253

Basaars en markte

- **Saterdag 3 Augustus 08:30 tot laat: Gemeente Hendrina Oesfees**

Kerkterrein hv Van Niekerk- en Beukesstraat

Kom geniet 'n heerlike dag saam met Billy Forrest, Jody Wayne en ander Sosaties, worsbroodjies, vleis, pap-en-kaiings, Boeretroos...

Kontak ds Lorret De Leeuw by 072 195 9414

of Corrie Wolmarans by 083 343 9643



- **Saterdag 3 Augustus: Gemeente Zwarttruggens Bosveldvleisfees**
Vleis, wors en biltong teen die beste pryse
Kindertuin met springkasteel en vermaak vir klein tot groot
Kleiduifskiet, perdry en *go-karts*
Groente, vrugte en plante om van te kies en te keur
Veiling: Wildjagpakkette, bekende skilder se skilderye, en meer
Gaskunstenaar: Juanita du Plessis die aand
Big screen vir rugby, biertuin met Bonny en Clyde
Jaco Swanepoel seremoniemeester
Mnr & Mej Bosveld Vleisfees – kompetisie vir klein en groot
Uitstalling van nuutste Ford Ranger, en wen nuwe Ford Everest!
OTM op perseel vir kontant en kaartbetalings
Navrae aan ds Gerhard Kruger (082 850 8692)
Kaartjies by Erica Kruger (082 924 6099)
- **Saterdag 31 Augustus: Gemeente Vaalpark Basaar**
Wildsvleis, kosstalletjies, koektafel, uitstallers...
Uitstallers welkom (R100 per stalletjie)
Hope pret vir die kinders: treintjie, springkasteel en vele meer
Kom geniet 'n heerlike dag saam met ons!
Kontak Esmé gedurende kantoorure by 016 971 1999
of Dorea by 083 225 7391
- **Saterdag 31 Augustus: Gemeente Ventersdorp Boerebasaar**
Baie vleis te koop!
Kom geniet die pannekoeke, vetkoek, kerrie-en-rys, heerlike tuisgebak...
Speletjies en ander vermaak vir die jongspan
Kontak Nico Kock by 083 204 6715
of ds Marius van Vuren by 072 850 4960
- **Saterdag 31 Augustus: Gemeente Mafeking Basaar: Pirates@Mahikeng**
Fokus op die kind
Ollie die Nar met hope vermaak vir die kinders
Reusespringkasteel en *spookhuis*
Skattejag vir die jongspan
Die kinders kan kolwyntjies (*cupcakes*) versier en 'n groot prys wen
Kwalifiseer met donasie van slegs R50 (of veelvoude daarvan)
vir kontantpryse ter waarde van R10 000, R4 000 of R1 500
Kontak Kallie Landsberg (079 893 9031) of dr Annelie Botha (082 650 3494)
- **Vrydag 6 en Saterdag 7 September: Gemeente Sannieshof Mielie Makietie**
Op die terrein van die Hervormde Kerk
Gaskunstenaar Adam Tas
8 m hoë en 100 m lange foefieslaaid
Wen R50 000 kontant of 25 ton mielies in Wen-'n-oes-kompetisie
2de prys: Diamant ter waarde van R20 000 of 5 ton sonneblom
Luister na Graan Suid-Afrika se voorsitter, Jannie de Villiers
Diamant-stormloop vir 'n diamant en talle halfedelgesteentes
Karaoke, visvang, skyfskiet en *Fear Factor*
Skiet met ons selfgeboude aartappelkanon en wen kontant
Strip-jou-moer-kompetisie
(Sondag 8 September ds CJ van Wyk van Randburg
en sy Geloof-in-aksie Motorfietsklub)
Kontak ds Paul Kern by 082 494 5347 of Elsa by elsaj@lantic.net

- **Saterdag 26 Oktober: Gemeente Kempton Park-Oos KPO Lekker Kuier Kontreifees**
Uitstallers en kosstalletjies
Gaskunstenaar Die Flooze (Sorina)
Toegang R20 per persoon
Kom geniet 'n heerlike dag
Kontak Anneline by 082 924 7344 of Marius by 072 778 1033

ANDER NUUS

- **Vakature: Assistentverpleegster**
By Andries-Marié Oosthuizen Monumenttehuis in Parys, Vrystaat
Tehuis vir verswakke en selfversorgende bejaardes
Pligte: Algemene versorging van inwoners, bedwas en kliniekdienste soos die neem van bloeddruk
Vereistes: Goeie interpersoonlike en kommunikasievaardighede
Vorige ervaring in veld van verpleging van bejaardes sal sterk aanbeveling wees
Moet geregistreer wees by die Verpleegstersraad
Normale diensvoorwaardes
Stuur CV aan mev A Botha, faks 056 817 7525 of e-pos hf@otmt.org
- **Bybelgenootskap van Suid-Afrika**
Vrydag 2 Augustus om 19:00: Musiekkonsert vir Bybels
NG Kerk Universiteitsoord
Kontak die Gautengstreek van die Bybelgenootskap by 011 970 4010
- **Opleiding in brugbediening: Sentrum vir Kontekstuele Bediening**
Eerste week: 5-8 Augustus
Onder leiding van prof Malan Nel
Teologiegebou, UP
Tweede week: 7-10 Oktober
Aanbieders Johan van Loggerenberg, Christo van der Merwe, Willem Boshoff, Errol Dengler, Colin Goeman en Howard du Toit
Noordoos-Pretoria se kerkentrum in Kilnerpark
Koste: R1 330 (sommige sinodes dra by om die koste te dek)
Kontak Suki by Sentrum vir Kontekstuele Bediening vir meer besonderhede
012 420 4952 / suki.vanjaarsveld@up.ac.za
- **Interkerklike trauma-ondersteuningskamp**
Vir naasbestaendes van slagoffers
9-11 Augustus by Magaliesberg-kampterrein
Hooffasiliteerder: Ds Pieter Oberholzer, Weermagkapelaan en predikant van NG Kerk Groenkloof
Koste: R550 per persoon (akkommodasie, etes en konferensiefasiliteite)
Bespreek by Elize by 072 600 5809 of
deoudepastorie.victoriawest@gmail.com
Navrae oor inhoud van program aan Pieter by 082 332 5782 of
pieterjanob@gmail.com
- **Beeld-Kinderfonds**
 - **Wen 'n Peugeot**
SMS PEUGEOT na 32541 of SMS KINDERS na 32541, R25 per SMS
 - **Super 10 Spinning Marathon**
Saterdag 7 September 07:00 tot 17:00, Centurion Mall
 - **Kerskonsert**
Woensdag 27 November in Pretoria, R110 en R155

Navrae aan Adrie van Staden by 011 976 2273 / 073 749 2697
Besoek www.beeldkinderfonds.co.za



Vat hande met
Christelike Lekturfonds en gee
aan een miljoen kinders elk hul
eie Bybel in hul moedertaal



Maak 'n verskil in 'n kind se lewe. Koop een Bybel teen R69,95 of koop en borg 'n Bybel vir R100. Vir meer inligting besoek www.clf.co.za of stuur 'n e-pos aan info@clf.co.za of skakel 021 873 6964.

CLF - Die Boodskap van die Bybel aan almal

- **Maandag 14 Oktober 09:00 tot 16:00**
Predikanteseminaar
Tema: *Tussen-Testamentêre Tydperk / Tweede Tempelperiode – stil of nie?*
Noordwes-Universiteit, Potchefstroom-kampus
Kamer 204, Fakulteit Teologie
Aanbieders dr Jacobus de Bruyn en mnr Eugene Coetzer
Alle kerkverbande se leraars word uitgenooi
Dien as verdere opleiding vir predikante
R320 per persoon, sluit middagete en verversings in
Inskrywings teen **Vrydag 20 September** op die laatste
Navrae aan dr Jacobus de Bruyn by 072 606 1661 /
jacobus.debruyn@gmx.com

Advertensies in die e-Hervormer

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskaartjie** wees nie. Stuur die voorgestelde **teks van nie meer as 110 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per faks na 086 633 4059, of per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word normaalweg Woensdae saamgestel en verskyn dan die Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R150 per plasing (BTW ingesluit).**

Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + e-Hervormer Ads.**

KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na www.nhka.org → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

“Ek is baie gelukkig met wat (in die Kerk) gepubliseer word. Ek meet terugvoer van mense na ’n besoek aan ons industrie. My ondervinding is dat ’n 25% plus terugvoer ’n goeie aanduiding is of ons dinge reg doen of nie. My bekommernis is hoeveel van die publikasies wel in gemeentes ontvang én gelees word. My ervaring is dat baie min lidmate die publikasies ontvang en/of lees. Dit is goed dat SENTIK die opname in gemeenteverband wil doen. Is daar nog kolporteurs in gemeentes? Hoe word die publikasies bemark? As jy oningelig is, sal jy dom besluite neem!” (*Bydrae verkort*)

Danie le Roux, Vaalpark

“Dankie aan die redaksie en elke persoon/gemeente wat bydra tot die *e-Hervormer*. Vir my in persoon is volgende Woensdag/Donderdag te ver vir die volgende uitgawe. Dis vars, geloofsversterkend, eietyd relevant, deursigtig en van hoogstaande professionaliteit. Ek is trots Hervormer en deel veral die voorbladartikel met wie ook al ’n e-posadres het in my adresboek en wat kan baatvind!” (*Vanaf Facebook*)

Gerhard Swanepoel

AGTERBLAD

**Mediasondag
25 Augustus 2013**

Al die gemeentes van ons Kerk word met die ondersteuning van die Kommissie van die Algemene Kerkvergadering versoek om op Sondag 25 Augustus aandag te gee aan ons kerklike kommunikasie en publikasies. Die geleentheid val vanjaar saam met die herdenking van Bartolomeusdag, en kan gebruik word om na te dink oor die maniere waarop ons ons geloof in die gemeenskap betuig.

SENTIK wil gemeentes versoek om by hierdie geleentheid besondere moeite te doen om die kerklike tydskrifte aan die gemeentede bekend te stel, en dan veral die gereelde gedrukte publikasies: *Die Hervormer*, *Konteks*, die *Almanak* en *Bybelse Dagboek*. Daarom het ons vandeemaand (Augustus) drie (3) addisionele tydskrifte gratis vir elke gemeente gestuur.

Die Oktober-uitgawe van *Konteks* sal ’n termynorsig van die Kerk se werk oor die afgelope drie jaar bevat. Die gedagte is om voortaan jaarliks in Oktober so ’n jaarorsig te publiseer wat lidmate ’n goeie idee van die Kerk se dienswerk kan gee. Ons hoop dat hierdie uitgawe, wat reeds by die komende Algemene Kerkvergadering beskikbaar gestel sal word, ook die gesprekke by dié belangrike vergadering sal stimuleer.

Ons rig twee spesiale versoeke aan gemeentes:

- Bestel asseblief ’n aantal ekstra kopieë van Oktober se termynorsig (op koste van die kerkraad). Kontak mev Susann van Zyl by sentik@nhk.co.za of 012 322 8885 x291 in verband daarmee.
- Doen asseblief moeite om die gemeentede aan te moedig om op die tydskrifte in te teken, en stuur die gemeente se intekensyfers voor die einde van Oktober aan mev Van Zyl. Ons het die syfers teen daardie tyd nodig om ooreenkomste met drukkers aan te gaan vir die druk en verspreiding van volgende jaar se tydskrifte.

Ons vertrou dat al meer lidmate, kategete en kerkraadslede weer onder die indruk sal kom van die inligting en materiaal wat deur ons tydskrifte beskikbaar gestel word. Ons ontvang graag konstruktiewe kommentaar waarmee ons ons publikasies tot diens van die Kerk kan verbeter.

